



卷一百一十三

書名 史記一百三十卷 慶長元和間古活字印本

撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義

卷 卷一百一十三

內容分類 史-正史-分刻-史記

索書號 貴重-30

編號 B1112300

[彩色首頁1](#)
[彩色首頁2](#)

[東洋文化研究所漢籍目錄 編號: B1112300](#)
[東洋文化研究所漢籍目錄所藏漢籍善本文影像資料庫 索書號: 貴重-30](#)
[漢籍善本文影像資料庫文本史記一百三十卷 慶長元和間古活字印本](#)
版權所有: 東京大學 東洋文化研究所
[使用上の注意事項](#)

三皇本紀

補史紀 小司馬氏撰并注

氏風姓代燧人氏繼天而王母曰

補闕云

小司馬氏云太史公作史記古今君臣宜應上自開闢下迄當代以為一
家之首尾今闕三皇而以五帝為首
正以大戴禮有五帝德篇又帝世
叙自黃帝已下故因以五帝本紀
首其實三皇已遷載籍罕備然君
之始教化之先既論古史不合全
近代皇甫謐作帝王代紀徐整作
五經皆論三皇已來事斯亦近古
一證今並採而集之作三皇本紀

王成龔遂鄭弘邵信昆韓延壽尹翁歸趙廣漢之屬皆有功迹見述於後累其名臣亦其次也

索隱述贊曰

平津巨儒 晚年始遇 外示寬儉

內懷嫉妬 寵備榮爵 身受肺腑

主父推恩 觀時設度 生食五鼎

死非時蠹

平津侯主父列傳第五十二 史記百一十二

南越尉佗列傳第五十三 史記一百一十三

南越王 正義曰都廣州南海縣 尉佗者真定人也 索隱曰尉

官也佗名也姓趙佗音徒河反又十三州記云大郡曰守小郡曰尉韋昭云真定故郡名

後更為縣在常山也 姓趙氏秦時已并天下略定揚越

張晏曰揚州之南越也○索隱曰案戰國策云吳起為楚收揚越○正義曰夏禹九州本

屬揚州故 置桂林南海象郡 索隱曰地理志武帝更名桂林

日鬱林秦本紀始皇三十三年略陸梁地以為南海鬱林象郡地理志云武帝更名曰南

也 以謫徙民 索隱曰謫音陟革反 與越雜處十三歲 徐廣

日秦并天下至二世元年十三年并天
下八歲乃平越地至二世元年六年耳

時用為南海龍川令索隱曰地理志云龍川屬南海也○正義曰顏

師古云龍川南海縣也即今之循州也裴氏廣列記云李博羅縣之東鄉有龍穿地而出

即穴流東泉因以為號也至二世時南海尉任囂病且死

徐廣曰爾時未言都尉也○索隱曰囂音五刀反名龍川令趙佗語

曰聞陳勝等作亂秦為無道天下苦之項羽

劉季陳勝吳廣等州郡各共興軍聚眾虎爭

天下中國擾亂未知所安豪傑畔秦相立南

海僻遠吾恐盜真侵地至此吾欲興兵絕新

道索隱曰案蘇林云秦所通越道自備待諸侯變會病甚且

番禺負山險阻南海東西數千里頗有中國

人相輔此亦一州之主也可以立國郡中長

吏無足與言者故召公告之即被佗書韋昭曰被

之以書音光被之被○索隱曰被音皮義反行南海尉事索隱曰

囂詐詔書使囂死佗即移檄告橫浦陽山滄

谿關曰徐廣曰在桂陽通四會也○索隱曰案南野大庾嶺三十里至

橫浦有秦時關其下謂為塞上姚氏案地地理志云桂陽有陽山縣今此縣上流百餘里有騎田嶺當是陽山關鄒氏劉氏本湮並作湮音年結反漢書作湮谿音皇又衛青傳云出桂陽下湮水是而姚案云史記作匯今本湮有湮及匯不同蓋由隨見輒改故也水經云含匯縣南有匯浦關未知孰是然鄭誕作湮漢書作湮蓋近於古盜兵且至急絕道聚兵自守因稍以法誅秦所置張吏以其黨為假守索隱曰案謂化立其所黨為郡縣之職或假守也秦已破滅佗即擊并桂林象郡自立為南越武王韋昭曰生以武為號不稽於古也高帝已定天下為中國

勞苦故釋佗弗誅漢十一年遣陸賈因立佗為南越王與剖符通使和集百越毋為南邊患害與長沙接境高后時有司請禁南越關市鐵器佗曰高帝立我通使物今高后聽讒臣別異蠻夷隔絕器物此必長沙王計也欲倚中國擊滅南越而并王之自為功也於是佗乃自尊號為南越武帝發兵攻長沙邊邑敗數縣而去焉高后遣將軍隆慮侯竈往擊

之索隱曰韋昭云竈姓周隆慮縣名屬河內音林閭會暑溼士卒大

疫兵不能喻嶺索隱曰案即陽山嶺也歲餘高后崩即

罷兵侗因此以兵威邊財物賂遺閩越西甌

駱役屬焉漢書音義曰駱越也○索隱曰姚氏案廣州記云交趾有駱田仰潮

水上人食其田名為駱侯諸縣自名為駱將銅印青綬即今之令後蜀王子將兵討駱

侯自稱為安陽王治封溪縣後南越王尉佗攻破安陽王令二使典主交趾九真二郡即

也駱駝東西萬餘里迺乘黃屋左纛稱制與中

國侏及孝文帝元年初鎮撫天下使告諸侯

四夷從代來即位意喻盛德焉乃為佗親家

在真定置守邑歲時奉祀名其從昆弟尊官

厚賜寵之詔丞相陳平等舉可使南越者平

言好時陸賈先帝時習使南越迺召賈以為

太中大夫往使因讓佗自立為帝曾無一介

之使報者陸賈至南越王甚恐為書謝稱曰

蠻夷大長老夫臣佗前日高后隔異南越竊

疑長沙王讒臣又遙聞高后盡誅佗宗族掘

燒先人家以故自棄犯長沙邊境且南方卑
溼蠻夷中間其東閩越千人眾號稱王其西
甌駱裸國亦稱王索隱曰裸音和寡反裸露形也老臣妄竊
帝號聊以自娛豈敢以聞天王哉乃頓首謝
願長為藩臣奉貢職於是乃下令國中曰吾
聞兩雄不俱立兩賢不並世皇帝賢天子也
自今以後去帝制黃屋左纛陸賈還報孝文
帝大說遂至孝景時稱臣使人朝請然南越

其居國竊如故號名其使天子稱王朝命如

諸侯至建元四年卒佗孫胡為南越王徐廣曰皇

甫謚曰越王趙佗以建元四年卒此時閩越

王郢與兵擊南越邊邑胡使人上書曰兩越

俱為藩臣毋得擅興兵相攻擊今閩越與兵

侵臣臣不敢興兵唯天子詔之於是天子多

南越義守職約為興師遣兩將軍徃討閩越

索隱曰王恢韓安國兵未踰嶺閩越王弟餘善殺郢以

降於是罷兵天子使莊助往諭意南越王胡
頓首曰天子乃為臣興兵討闔越死無以報
德遣太子嬰齊入宿衛謂助曰國新被寇使
者行矣胡方日夜裝入見天子助去後其大
臣諫胡曰漢興兵誅郢亦行以驚動南越且
先王昔言事天子期無失禮要之不可以說
好語入見索隱曰漢書悅怵怵作入見則不得
復歸亡國之勢也於是胡稱病竟不入見後

十餘歲胡嘗病甚太子嬰齊請歸胡薨謚為

文王嬰齊代立即藏其先武帝璽

索隱曰李邕云藏其

僭號之璽也

嬰齊其入宿衛在長安時取邯鄲膠

氏女生子興

徐廣曰一作典○索隱曰及即

位上書請立膠氏女為后興為嗣漢數使使
者風諭嬰齊嬰齊尚樂擅殺生自恣懼入見
要用漢法比內諸侯固稱病遂不入見遣子
次公入宿衛嬰齊薨謚為明王太子興代立

其母為太后太后自未為嬰齊姬時嘗與霸陵人安國少季通索隱曰安國姓也少季名也及嬰齊薨後元鼎四年漢使安國少季往諭王王太后以入朝比內諸侯令辯士諫大夫終軍等宣其辭勇士魏臣等輔其缺徐廣曰一作決衛尉路博德將兵屯桂陽待使者王年少太后中國人也嘗與安國少季通其使復私焉國人頗知之多不附太后太后恐亂起亦欲倚漢威數

勸王及羣臣求內屬即因使者上書請比內諸侯三歲一朝除邊關於是天子許之賜其丞相呂嘉銀印及內史中尉太傅印餘得自置除其故黥劓刑用漢法比內諸侯使者皆留填撫之王王太后飭治行裝重齎為入朝具其相呂嘉年長矣相三王宗族官仕為長吏者七十餘人男盡尚王女女盡嫁王子兄弟宗室及蒼梧秦王有連漢書音義曰蒼梧越中王自名為秦

製 複 許 不

NOT TO BE REPRODUCED

東京大学東洋文化研究所

王連親婚也○索隱曰案蒼梧秦王即下趙光是也有連者連姻也趙與秦同姓故稱秦

王其居國中甚重越人信之多為耳目者得

衆心愈於王王之上書數諫止王弗聽有畔

心數稱病不見漢使者使者皆注意嘉勢未

能誅王王太后亦恐嘉等先事發乃置酒介

漢使者權章昭曰恃使者為介曹也○索隱曰志林云介者因也欲因使者權

誅呂嘉也章昭曰介為恃介者間也以言間恃漢使之權意即得矣然云恃為介曹則非

也虞喜以介為因亦有所由案介者賓主所由也謀誅嘉等使者皆

東鄉太后南鄉王北鄉相嘉大臣皆西鄉侍

坐飲嘉弟為將將卒居官外酒行太后謂嘉

曰南越內屬國之利也而相君苦不便者何

也以激怒使者使者狐疑相杖遂莫敢發嘉

見耳目非是即起而出太后怒欲鋌嘉以矛

事昭曰鋌撞也○索隱曰案字林鋌音王止七凶反又吳王濞傳鋌殺吳王與此同

太后嘉遂出分其弟兵就舍索隱曰案謂分取其兵也漢書

作介介被稱病不肯見王及使者乃陰與大

臣作亂王素無意誅嘉嘉知之以故數月不
發太后有淫行國人不附欲獨誅嘉等力又
不能天子聞嘉不聽王王太后弱孤不能制
使者怯無決又以為王王太后已附漢獨呂
嘉為亂不足以興兵欲使莊參以二千人往
使參曰以好往數人足矣以武往二千人無
足以為也辭不可天子罷參也徐廣曰縣
屬潁川音古洽反○正義曰今汝州郟城縣故濟北相韓千秋奮

日以區區之越又有王太后應獨相呂嘉為
害願得勇士二百人必斬嘉以報於是天子
遣千秋徐廣曰為校尉與王太后弟膠樂將二千人
往入越境呂嘉等乃遂反下令國中曰王年
少太后中國人也又與使者亂專欲內屬盡
持先王寶器入獻天子以自媚多從人行至
長安慮竇以為僮僕取自脫一時之利無顧
趙氏社稷為萬世慮計之意乃與其弟將率

攻殺王太后及漢使者遣人告蒼梧秦王及其諸郡縣立明王長男越妻子術陽侯建德為王徐廣曰元鼎四年以南越王兄越封高昌侯○索隱曰案功臣表術陽屬下邳而韓千秋兵入破數小邑其後越直開道絡食未至番禺四十里越以兵擊千秋等遂滅之使人函封漢使者節置塞上索隱曰案南康記以為大塞庚嶺名上好為謾辭謝罪發兵守要害處於是天子曰韓千秋雖無成功亦軍鋒之冠封其

子延年為成安侯索隱曰案功臣表成安屬邾膠樂其姊

為王太后首願屬漢封其子廣德為龍亢侯

索隱曰案龍亢屬譙國漢書作龍侯服虔作叩晉灼云龍古龍字乃下赦曰

天子微諸侯力政譏臣不討賊今呂嘉建德

等反自立晏如今罪人及江淮以南徐廣曰淮南一作

也樓船十萬師應劭曰時欲擊越非水不至故作大船船上施樓故號曰

也樓船往討之元鼎五年秋衛尉路博德為伏

波將軍出桂陽下匯水徐廣曰一作湮駟案地理志曰桂陽有匯

水通四會或作淮字○索隱曰劉氏云匯當作湟漢書云下湟水也

揚僕為樓船將軍出豫章下橫浦故歸義越

侯二人張晏曰故越人為為戈船下厲將軍徐廣曰厲

一作瀨駟案張晏曰越人於水中負人船又有蛟龍之害故置戈於船下因以為名也應

劬曰瀨水流涉上也贊曰伍子胥書有戈船以載干戈因謂之戈船也出零陵

或下離水徐廣曰在零陵通廣信○正義曰地理志云零陵縣有離水東至廣

信入鬱林九百八十里或抵蒼梧使馳義侯徐廣曰越人也名遺

因巴蜀罪人發夜郎兵正義曰曲州協州以南是夜郎國下

牂柯江正義曰江出南徼外東通四會至番禺入海也咸會番禺元

鼎六年冬樓船將軍將精率先陷尋陝破石

門索隱曰姚氏云尋陝在始興西三百里近連口也廣州記石門在番禺縣北二十里

昔呂嘉拒漢積石於江名曰石門又俗云石門水名貪泉飲之則令人變故吳隱之至石

門酌水飲乃為歌也得越船粟因推而前挫越鋒以數

萬人待伏波伏波將軍特罪人道遠會期後

與樓船會乃有千餘人遂俱進樓船居前至

番禺建德嘉皆城守樓船自擇便處居東南

面伏波居西北面會暮樓船攻敗越人縱火
燒越越素聞伏波名日暮不知其兵多少伏
波乃為營遣使者招降者賜印復縱令相招
樓船力攻燒敵及驅而入伏波營中犁旦城
中皆降伏波徐廣曰呂靜曰犁結也音力奚
反結猶連及逮至也漢書犁旦
為遲旦謂待明也○索隱曰鄒氏云犁一作
比比音必至反然犁即北義不煩更釋又解
犁黑也天未明而尚黑也漢書史記亦
作遲明遲音維遲待也亦犁之義也 呂嘉
建德已夜與其屬數百人亡入海以船西去

伏波又因問所得降者貴人以知呂嘉所之

遣人追之以其故校尉司馬蘇弘得建德封

為海常侯徐廣曰在東萊越即徐廣曰南越之即官都稽徐廣曰表

曰孫得嘉封為臨蔡侯索隱曰案表屬河內

蒼梧王趙光者越王同姓聞漢兵至及越揭

陽令定韋昭曰揭音其逝反○索隱曰地理志揭陽縣屬南海揭音桀劉氏音求

例反定者令之名也案漢功自定屬漢越桂

林監居翁漢書音義曰桂林郡中監姓居名翁也諭甌駱屬漢

索隱曰案漢書索隱曰案漢書云光聞漢皆得為侯

三十餘萬口降漢兵至降封為挑侯揭陽令為安道侯越將軍

取為滕侯桂林監居翁為湘城侯韋昭云湘

城屬堵陽桃安道滕三戈船下厲將軍兵及

馳義侯所發夜即其未下南越已平矣遂為

九郡徐廣曰儋耳珠崖南海蒼梧九真鬱林

日南合浦交趾○索隱曰徐廣皆據漢

說書為伏波將軍益封樓船將軍兵以陷堅為

將梁侯自尉佗初王後五世九十三歲而國

亡焉

太史公曰尉佗之王本由任囂遭漢初定列

為諸侯隆慮離溼疫佗得以益驕甌駱相攻

南越動搖漢兵臨境嬰齊入朝其後亡國徵

自摎女呂嘉小忠令佗無後樓船從欲怠傲

失感伏波困窮智慮愈殖因禍為福成敗之

轉譬若糾墨

索隱述贊曰

中原鹿走 群雄莫制 漢事西馳

越推南裔 陸賈騁說 尉佗去帝
膠后內朝 呂嘉狼戾 君臣不協
率從剿絕

南越尉佗列傳第五十三 史記一百一十三

東越列傳第五十四 史記一百一十四

閩越王無諸韋昭曰閩音武巾反東越之別名○索隱曰按說文云閩東越

蛇種也故字從虫閩聲音旻及越東海王搖者其先皆越

王句踐之後也姓騶氏徐廣曰騶一作駱○

云駮駱此別云閩不姓騶也秦已并天下皆廢為君長以

其地為閩中郡徐廣曰今建安侯官是○索

建安也○正義曰今閩州又改為福也及諸侯畔秦無諸搖率

越歸鄱陽令吳芮所謂鄱君者也從諸侯滅

